

唐圭璋編

全宋

詞

第十五冊

國立編譯館

全宋詞卷二百三十五

吳文英 三百四十首 斷句二
附錄五首

吳文英

文英字君特號夢窗晚號覺翁四明人景定時嘗客
榮王邸從吳履齋諸公游有夢窗甲乙丙丁稿四卷

瑣窗寒 無射商俗名越調犯中呂宮又犯正宮
玉蘭

紺縷堆雲清潏潤玉汜人初見蠻腥未洗海客一懷悽惋渺征棹
去乘閨風占香上國幽心展口遺芳掩色真姿凝澹返魂騷晚
一盼千金換又笑伴鴟夷共歸吳苑離煙恨水夢杏南天秋晚比
來時瘦肌更銷冷薰沁骨悲鄉遠最傷情送客咸陽佩結西風怨

尉遲杯 夾鍾商俗名雙調
賦楊公小蓬萊

垂楊徑洞鑰啓時見流鶯迎涓涓暗谷流紅應有細桃千頃臨池
笑靨春色滿銅華弄妝影記年時試酒湖陰褪花曾采新杏 蛛
窗繡網玄經繞石硯開匳雨潤雲凝小小蓬萊香一掬愁不到朱

嬌翠靚清尊伴人閒永日斷琴和棋聲竹露冷笑從前醉臥紅塵
不知仙在人境

渡江雲三犯 中呂商俗名小石調
西湖清明

羞紅顰淺恨晚風未落片繡點重茵舊隄分燕尾桂棹輕鷗寶勒
倚殘雲千絲怨碧漸路入仙隄迷津腸漫回隔花時見背面楚腰
身 逡巡題門惆悵墮履牽縈數幽期難準還始覺留情緣眼寬
帶因春明朝事與孤煙冷做滿湖風雨愁人山黛暝塵波澹綠無
痕

三部樂 黃鍾商俗名大石調
賦姜石帚漁隱

江鵝初飛蕩萬里素雲際空如沐詠情吟思不在秦箏金屋夜潮
上明月蘆花傍釣蓑夢遠句清敲玉翠罍汲曉欸乃一聲秋曲
越裝片篷障雨瘦半竿渭水鷺汀幽宿那知煖袍挾錦低簾籠燭
鼓春波載花萬斛帆鬣轉銀河可掬風定浪息蒼茫外天浸寒綠

霜葉飛 黃鍾商
重九

斷煙離緒關心事斜陽紅隱霜樹半壺秋水薦黃花香噤西風雨

縱玉勒輕飛迅羽淒涼誰弔荒臺古記醉蹋南屏綵扇咽寒蟬倦
夢不知蠻素聊對舊節傳杯塵牋畫管斷關經歲情賦小蟾斜
影轉東籬夜冷殘蛩語早白髮綠愁萬縷驚飄從捲烏紗去漫細
將茱萸看但約明年翠微高處

瑞鶴仙

林鍾羽俗
名高平調

淚荷拋碎壁正漏雲篩雨斜捎窗隙林聲怨秋色對小山不迭寸
眉愁碧涼欺岸幘暮砧催銀屏翦尺最無聊燕去堂空舊幕暗塵
羅額行客西園有分斷柳淒花似曾相識西風破屐林下路水
邊石念寒蛩殘夢歸鴻心事那聽江村夜笛看雪飛蘋底蘆梢未
如鬢白

又

晴絲牽緒亂對滄江斜日花飛人遠垂楊暗吳苑正旗亭煙冷河
橋風煥蘭情蕙盼惹相思春根酒畔又爭知吟骨縈銷漸把舊衫
重翦淒斷流紅千浪缺月孤樓總難留燕歌塵凝扇待憑信拌
分鈿試挑鐙欲寫還依不忍牋幅偷和淚捲寄殘雲賸雨蓬萊也

應夢見

又贈絲鞋
莊生

藕心抽壁繭引翠鍼行處冰花成片金門從迴輦兩玉鳬飛上繡
絨塵軟絲絢侍宴曳天香春風宛轉傍星辰直上無聲緩躡素雲
歸晚奇踐平康得意醉蹋香泥潤紅沾線良工詔見吳蠶唾海
沈檀任眞珠裝綴春申客屢今日風流霧散待宣供禹步宸遊退
朝燕殿

又丙午
重九

亂雲生古嶠記舊遊惟怕秋光不早人生斷腸草歎如今搖落暗
驚懷抱誰臨晚眺吹臺高霜歌縹緲想西風此處留情肯著故山
衰帽聞道萸香西市酒熟東鄰浣花人老金鞭腰裏追吟賦倩
年少想重來新雁傷心湖上銷減紅深翠窈小樓寒睡起無聊半
簾晚照

又壽史
雲麓

記年時茂苑正畫堂凝香璇奎初煥天邊歲華轉向九重春近仙

桃傳宴銀罌翠管寶香飛蓬萊小殿荷玉皇恩重千秋翠麓峻齊
雲漢 須看鴻飛高處地闊天寬弋人空羨梅清水煥茗溪上幾
吟卷算金門聽漏玉墀班早贏得風霜滿面總不如綠野身安鏡
中未晚

又 癸卯歲壽方
惠嚴寺簿

轆轤春又轉記旋草新詞江頭憑雁乘槎上銀漢想車塵纔蹋東
華紅輦何時賜見漏聲移深宮夜半問尊鱸今幾西風未覺歲華
遲晚 一片丹心白髮露滴研朱雅陪清宴班回柳院蒲團底小
禪觀望朶思明月初圓此夕應共嬋娟茂苑願年年玉兔長生聳
秋井幹

又 錢郎糾曹
之嚴陵

夜寒吳館窄漸酒闌燭暗猶分香澤輕帆展爲翻送高鴻飛過長
安南陌漁磯舊迹有陳蕃虛牀挂壁掩庭扉蛛網黏花細草靜搖
春碧 還憶洛陽年少風露秋槩歲華如昔長吟墮幘暮潮送富
春客算玉堂不染梅花清夢宮漏聲中夜直正逋仙清瘦黃昏幾

時覓得

又 贈道女陳華
山內夫人

彩雲棲翡翠聽鳳笙吹下飛駟天際晴霞翦輕袂澹春姿雪態寒
梅清泚東皇有意旋安排闌干十二早不知爲雨爲雲盡日建章
門閉 堪比紅綃織素紫燕輕盈內家標致遊仙舊事星斗下夜
香裏□華峰□□紙屏橫幅春色長供午睡更醉乘玉井秋風采
花弄水

滿江紅 夷則宮俗名仙呂宮
澱山湖

雲氣樓臺分一派滄浪翠蓬開小景玉盆寒浸巧石盤松風送流
花時過岸浪搖晴練欲飛空算蛟宮祇隔一紅塵無路通 神女
駕凌曉風明月佩響丁東對兩蛾猶鎖怨綠煙中秋色未教飛盡
雁夕陽長是墜疏鐘又一聲欸乃過前巖移釣篷

又 甲辰歲盤門外
寓居過重午

結束蕭仙嘯梁鬼依還未滅荒城外無聊閒看野煙一抹梅子未
黃愁夜雨榴花不見簪秋雪又重羅紅字寫香詞年時節 簾底

事憑燕說合歡縷雙條脫自香消紅臂舊情都別湘水離魂菰葉怨揚州無夢銅華闕倩臥簫吹裂晚天雲看新月

解連環 夷則商俗名商調

暮檐涼薄疑清風動竹故人來邈漸夜久閒引流螢弄微照素懷暗呈纖白夢遠變成鳳笙香玉繩西落掩練帷倦入又惹舊愁汗香闌角 銀餅恨沈斷索歎梧桐未秋露井先覺抱素影明月空閒早塵損丹青楚山依約翠冷紅衰怕驚起西池魚躍記湘娥絳綃暗解褪花墜萼

又 留別姜石帚

思和雲結斷江樓望隄雁飛無極正岸柳衰不堪攀忍持贈故人送秋行色歲晚來時暗香亂石橋南北又長亭暮雪點點淚痕總成相憶 杯前寸陰似擲幾酬花唱月連夜浮白省聽風聽雨簾簾向別枕倦醒絮颺空碧片葉愁紅趁一舸西風潮汐歎滄波路長夢短甚時到得

夜飛鵲 黃鍾商蔡司戶席上南花

金規印遙漢庭浪無紋清雪冷沁花薰天街曾醉美人畔涼枝移插烏巾西風驟驚散念梭懸愁結帶翦離痕中郎舊恨寄橫竹吹裂哀雲 空牘露華煙彩人影斷幽坊深閉千門渾似飛仙入夢機羅微步流水青蘋輕冰潤口悵今朝不共清尊怕雲槎來晚流紅信杳縈斷秋魂

一寸金 中呂商贈筆工劉衍

秋入中山臂隼牽盧縱長獵見駭毛飛雪章臺獻穎腰束縞湯沐疏邑簪管刊瓊牒蒼梧恨帝娥暗泣陶郎老憔悴玄香禁苑猶催夜俱入 自歎江湖雕龍心盡相攜蠹魚篋念醉魂悠颺折釵錦字點髯掀舞流觴春帖還倚荆溪楫金刀氏尙傳舊業勞君爲脫帽篷窗寓情題水葉

又

秋壓更長看見姮娥瘦如束正古花搖落寒蛩滿地參梅吹老玉龍橫竹霜被芙蓉宿紅絲透尙欺暗燭年年記一種淒涼繡幌金圓挂香玉 頑老情懷都無歡事良宵愛幽獨歎畫圖難做橘村

砧思笠蓑有約蓴洲漁屋心景憑誰語商絃重袖寒轉軸疏籬下
試覓重陽醉壁青露菊

繞佛閣 黃鍾商
與沈野逸東皋天街盧樓追涼小飲

夜空似水橫漢靜立銀浪聲杳瑤鏡匳小素娥乍起樓心弄孤照
□絮雲未巧梧韻露井偏借秋早晴暗多少怕教徹膽蟾光見懷
抱浪迹尙爲客恨滿長安千古道還記暗螢穿簾街語悄歎步
影歸來人鬢花老紫簫天渺又露飲風前涼墮輕帽酒杯空數星
橫曉

又 贈郭
季隱

蒨霞豔錦星媛夜織河漢鳴杼紅翠萬縷送幽夢與人閒繡芳句
□怨宮恨羽孤劍漫倚無限淒楚□□□賦情縹緲東風颺花
絮鏡裏半髻雪向老春深鶯曉處長閉翠陰幽坊楊柳戶看故
苑離離城外禾黍短蓑青屨笑寄隱閒追雞社歌舞最風流墊巾
沾雨

拜星月慢 林鍾羽
姜石帚以盆蓮數十置中庭宴客其中

絳雪生涼碧霞籠夜小立中庭蕪地昨夢西湖老扁舟身世歎遊
蕩暫賞吟花酌露尊俎冷玉紅香疊洗眼眩魂迷古陶洲十里
翠參差澹月平芳砌輒花混小浪魚鱗起霧盎淺障青羅洗湘娥
春膩蕩蘭煙麝馥濃侵醉吹不散繡屋重門閉又怕便綠減西風
泣秋燐燭外

水龍吟 無射商
惠山酌泉

豔陽不到青山古陰冷翠成秋苑吳娃點黛江妃擁髻空濛遮斷
樹密藏溪草深迷市峭雲一片二十年舊夢輕鷗素約霜絲亂朱
顏變龍吻春霏玉濺煮銀餅羊腸車轉臨泉照影清寒沁骨客
塵都浣鴻漸重來夜深華表露零鶴怨把閒愁換與樓前晚色棹
滄波遠

又 用見山
韻餞別

夜分溪館漁燈巷聲乍寂西風定河橋送遠玉簫吹斷霜絲舞影
薄絮秋雲澹蛾山色宦情歸興怕煙江渡後桃花又汎宮溝上春
流緊新句欲題還省透香煤重牋誤隱西園已負林亭移酒松

泉薦茗攜手同歸處玉奴喚綠窗春近想驕驄又踢西湖二十四
番花信

又 賦張斗墅家
古松五粒

有人獨立空山翠髯未覺霜顏老新香秀粒濃光綠浸千年春小
布影參旗障空雲蓋沈沈秋曉駟蒼蚪萬里笙吹鳳女驂飛乘天
風嫋般巧霜斤不到漢遊仙相從最早皺鱗細雨層陰藏月朱
絃古調問訊東橋故人南嶺倚天長嘯待凌霄謝了山深歲晚素
心纔表

又 壽詞
榮王

望中璇海波新汎槎又市銀河轉金風細嫋龍枝聲奏鈞簫秋遠
南極飛仙夜來催駕祥光重見紫霄承露掌瑤池陰密蟠桃秀蠡
蓮綻新棟晴暈淩漢半涼生蘭檠書卷繡裳五色昆臺十二香
深簾捲花萼樓高處連清曉千秋傳宴賜長生玉字鸞迴鳳舞下
蓬萊殿

又 壽尹
梅津

望春樓外滄波舊年照眼青銅鏡鍊成寶月飛來天上銀河流影
紺玉鉤簾處橫犀塵天香分鼎記殷雲殿鎖裁花翦露曲江畔春
風勁槐省紅塵晝靜午朝回吟生晚興春霖繡筆鸞邊清曉金
狨旋整園苑芝仙貌生綃對綠窗深景弄瓊英數點宮梅信早占
年光永

又 送廣
信州

幾番時事重論座中共惜斜陽下今朝翦柳東風送客功名近也
約住飛花暫聽留燕更攀情話問千牙過闕一封入奏忠孝事都
應寫聞道蘭臺清暇載鳴夷煙江一舸貞元舊曲如今誰聽惟
公和寡兒騎空迎舜瞳迴盼玉階前借便急回煥律天邊海上正
春寒夜

又 過秋壑湖上
舊居寄贈

外湖北嶺雲多小園暗碧鶯啼處朝回勝賞墨池香潤吟船繫雨
霓節千妃錦帆一箭攜將春去算歸期未卜青煙散後春城詠飛
花句黃鶴樓頭月午奏玉龍江梅解舞薰風紫禁嚴更清夢思

懷幾許秋水生時賦情還在南屏別墅看章臺走馬長隄種取柔
絲千樹

又
癸卯
元夕

澹雲籠月微黃柳絲淺色東風緊夜寒舊事春期新恨眉山碧遠
塵陌飄香繡簾垂戶趁時妝面鈿車催去急珠囊袖冷愁如海情
一線 猶記初來吳苑未清霜飛驚雙鬢嬉遊是處風光無際舞
蔥歌蒨陳迹征衫老容華鏡歡悰都盡向殘鐙夢短梅花曉角爲
誰吟怨

又
壽梅
津

杜陵折柳狂吟硯波尙溼紅衣露仙桃宴早江梅春近還催客句
宮漏傳雞禁門嘶騎宦情熟處正黃編夜展天香字煥春蔥翦紅
蜜炬 宮帽鸞枝醉舞思飄颻矚仙風舉星羅萬卷雲驅千陣飛
毫海雨長壽杯深探春腔穩江湖同賦又看看便繫金狨驚曉傍
西湖路

玉燭新
夾鍾
商

花穿簾隙透向夢裏銷春酒中延晝嫩篁細掐相思字墮粉輕黏
練袖章臺別後展繡絡紅薦香舊□□應數歸舟愁凝畫闌眉
柳 移鐙夜語西窗逗曉帳迷香問何時又素紈乍試還憶是繡
嬾思酸時候蘭清蕙秀總未比蛾眉螭首誰訴與惟有金籠春簧
細奏

解語花
林鍾羽
梅花

門橫皺碧路入蒼煙春近江南岸暮寒如翦臨溪影一半斜清
淺飛翼弄晚蕩千里暗香平遠端正看瓊樹三枝總似蘭昌見
酥瑩雲容夜煥伴蘭翹清瘦簫鳳柔婉冷雲荒翠幽棲久無語暗
申春怨東風半面料準擬何郎詞卷歡未闌煙雨青黃宜晝陰庭
館

又
立春靜雨
中錢處風

檐花舊滴帳燭新啼香潤殘冬被澹煙疎綺淩波步暗阻傍牆挑
薺梅痕似洗空點點年華別淚花鬢愁斂股籠寒綵燕沾雲膩
還闌辛盤蔥翠念青絲牽恨曾試纖指雁回潮尾征帆去似與東

風相避泥雲萬里應翦斷紅情綠意年少時偏愛輕憐和酒香宜睡

慶春宮

無射商
越中錢得園

春屋圍花秋池沿草舊家錦藉川原蓮尾分津桃邊迷路片紅不到人閒亂篁蒼暗料惜把行題共刪小晴簾捲獨占西牆一鏡清寒風光未老吟潘嘶騎征塵祇付憑闌鳴瑟傳杯辟邪翻燼繫船香斗春寬晚林青外亂鴉著斜陽幾山粉消莫染猶是秦宮綠擾雲鬢

又

殘葉翻濃餘香棲苦障風怨動秋聲雲影搖寒波塵銷膩翠房人去深局畫成淒黯雁飛過垂楊轉青闌干橫暮酥印痕香玉腕誰憑
菱花乍失娉婷別岸圍紅千豔傾城重洗清杯同追深夜豆花寒落愁鐙近歡成夢斷雲隔巫山幾層偷相憐處熏盡金篝銷瘦雲英

塞垣春

丙午
歲旦

漏瑟侵瓊管潤鼓借烘鑪煖藏鉤怯冷畫雞臨曉鄰語鶯囀帶綠窗細呪浮梅殘換蜜炬花心短夢驚回林鴉起曲屏春事天遠迎路柳絲裙看爭拜東風盈灞橋岸髻落寶釵寒恨花勝遲燕漸街簾影轉還似新年過郵亭一相見南陌又鐙火繡囊塵香淺

宴清都

夾鍾羽俗名中呂調
錢榮王仲亨還京

翠羽飛梁苑連催發暮檣留話江燕塵街墮珥瑤屏乍綸綵繩雙買新煙暗葉成陰效翠嫵西陵送遠又趁得蕊露天香春留建章花晚歸來笑折仙桃瓊樓宴萼金漏催箭蘭亭秀語烏絲潤墨漢宮傳玩紅敔醉玉天上倩鳳尾時題畫扇問幾時重駕巫雲蓬萊路淺

又

連理
海棠

繡幄鴛鴦柱紅情密膩雲低護秦樹芳根兼倚花梢鈿合錦屏人妒東風睡足交枝正夢枕瑤釵燕股障蠟滿照歡叢鰲蟾冷落差度人閒萬感幽單華清慣浴春盎風露連鬢竝煖同心共結向承恩處憑誰爲歌長恨暗殿鎖秋鐙夜語敔舊期不負春盟紅

朝翠暮

又壽榮王夫人

萬壑蓬萊路非煙霽五雲城闕深處璇源媿鳳瑤池種玉鍊顏金
姥長虹夢入仙懷便洗日銅華翠渚向瑞世獨占長春蟠桃正飽
風露殷勤漢殿傳卮隔江雲起暗飛青羽南山壽石東周寶鼎
千秋鞏固何時地拂龍衣待迎入玉京閬圃看□□賸擁湖船三
千綵御

又壽秋壑

翠市西門柳荊州昔未來時正春瘦如今賸舞西風舊色勝東風
秀黃梁露溼秋江轉萬里雲檣蔽畫正虎落馬靜晨嘶連營夜沈
刁斗含章換幾桐陰千官邃幄韶鳳還奏席前夜久天低宴密
御香盈袖星槎信約長在醉興渺銀河賦就對小弦月挂南樓涼
浮桂酒

又送馬林屋赴南宮分韻得動字

柳色春陰重東風力快將雲雁高送書檠細雨吟窗亂雪并寒筆

凍家林秀橘霜老笑分得蟾邊桂種應茂苑斗轉蒼龍唯潮獻奇
吳鳳玉眉暗隱華年淩雲氣壓千載雲夢名牋澹墨恩袍翠草
紫駟青鞵飛香杏園新句眩醉眼春遊乍縱弄喜鶯鶯繞庭花紅
簾影動

又

萬里關河眼愁凝處渺渺殘照紅斂天低遠樹潮分斷港路迴淮
甸吟鞭又指孤店對玉露金風送晚恨自古才子佳人此景此情
多感吳王故苑別來良朋雅集空歎蓬轉揮毫記燭飛觴趕月
夢銷香斷區區去程何限倩片紙丁寧過雁寄相思寒雨鐙窗芙
蓉舊院

齊天樂

黃鍾宮俗名正宮與馮深居登禹陵

三千年事殘鴉外無言倦憑秋樹逝水移川高陵變谷那識當時
神禹幽雲怪雨翠萍溼空梁夜深飛去雁起青天數行書似舊藏
處寂寥西窗久坐故人慳會遇同翦鐙語積蘚殘碑零圭斷壁
重拂人閒塵土霜紅罷舞漫山色青青霧朝煙暮岸鎖春船畫旗

喧賽鼓

又 白酒自
酌有感

芙蓉心上三更露，茸香漱泉玉井自洗銀舟。徐開素酌，月落空杯，無影庭陰未暝度。一曲新蟬韻，秋堪聽，瘦骨侵冰，怕驚紋簾夜深冷。當時湖上，載酒翠雲開處，共雪面波鏡。萬感瓊漿，千莖鬢雪，煙鎖藍橋花徑。留連暮景，但偷覓孤歡，強寬秋興。醉倚修篁，晚風吹半醒。

又 齊雲樓

凌朝一片陽臺影，飛來太空，不去棟與參橫。簾鉤斗曲，西北城高，幾許天聲似語。便闔闔輕排虹河，平遡問，幾陰晴。霸吳平地，漫今古。西山橫黛，瞰碧眼明，應不到煙際。沈鷺臥笛，長吟層靄，乍裂寒月溟濛千里。憑虛醉舞，夢凝白闌干，化為飛霧。淨洗青紅，驟飛滄海雨。

又

新煙初試花如夢，疑收楚峯殘雨。茂苑人歸，秦樓燕宿，同惜天涯。

爲旅遊情最苦，早柔綠迷津，亂莎荒圃。數樹梨花，晚風吹墮半汀鶯。流紅江上去，遠翠尊曾共醉，雲外別墅。澹月鞦韆幽香巷陌，愁結傷春深處。聽歌看舞，駐不得當時，柳蠻櫻素。睡起慳慳洞簫誰院宇。

又

竹深不放斜陽度，橫披澹墨林沼。斷莽平煙殘莎，賸水宜得秋深。纔好荒亭旋掃，正著酒寒輕弄花春。小障錦西風，半圍歌袖半吟草。獨遊清興易嬾，景饒人未勝，樂事長少。柳下交車尊，前岸幘同撫雲根。一笑秋香未老，漸風雨西城暗，鼓客帽背月移舟亂鴉溪樹曉。

又 會江湖諸友汎湖

麴塵猶沁傷心水，歌蟬暗驚春換。露藻清啼，煙蘿澹碧，先結湖山秋怨。波簾翠捲，歎歎霞薄輕綃，汜人重見。傍柳追涼，暫疏懷袖負綉扇。南花清鬪素靨，畫船應不載，坡靜詩卷。汎酒芳筵，題名蠹壁重集湘鴻。江燕平蕪未翦，怕一夕西風，鏡心紅變。望極愁生暮天。

菱唱遠

又

煙波桃葉西陵路十年斷魂潮尾古柳重攀輕鷗聚別陳迹危亭
獨倚涼颺乍起渺煙磧飛帆暮山橫翠但有江花共臨秋鏡照憔悴
華堂燭暗送客眼波回盼處芳艷流水素骨凝冰柔蔥蘸雪
猶憶分瓜深意清尊未洗夢不溼行雲漫沾殘淚可惜秋宵亂蛩
疏雨裏

又壽榮王夫人

玉皇重賜瑤池宴瓊筵第二十四萬象澄秋羣裾曳玉清澈冰壺
人世鼇峯對起許分得鈞天鳳絲龍吹翠羽飛來舞鸞曾賦曼桃
字 鶴胎曾夢電繞桂根看驟長玉幹金蕊少海波新芳茅露滴
涼入堂階綵戲香霖乍洗擁蓮媛三千羽裳風佩聖姥朝元鍊顏
銀漢水

又贈姜石帚

餘香纔潤鸞綃汗秋風夜來先起霧鎖林深藍浮野闊一笛漁蓑

鷗外紅塵萬里就中決銀河冷涵空翠岸觜沙平水楊陰下晚初
蟻 桃溪人住最久浪吟誰得到蘭蕙疏綺硯色寒雲籤聲亂葉
蘄竹紗紋如水笙歌醉裏步明月丁東靜傳環佩更展芳塘種花
招燕子

丹鳳吟

無射商
賦陳宗之芸居樓

麗景長安人海避影繁華結廬深寂鐙窗雪戶光映夜寒東壁心
彫鬢改鏤冰刻水縹簡離離風籤索索怕遣花蟲蠹粉自采秋芸
熏架香汎纖碧 更上新梯窈窕暮山澹著城外色舊雨江湖遠
問桐陰門巷燕曾相識吟壺天小不覺翠蓬雲隔桂斧月宮三萬
手計元和通籍輒紅滿路誰聘幽素客

掃花遊

夾鍾商
西湖寒食

冷空澹碧帶翳柳輕雲護花深霧艷晨易午正笙簫競渡綺羅爭
路驟捲風埃半掩長蛾翠嫵散紅縷漸紅溼杏泥愁燕無語 乘
蓋爭避處就解佩旗亭故人相遇恨春太妒濺行裙更惜鳳鉤塵
汗醉入梅根萬點啼痕暗樹峭寒暮更蕭蕭隴頭人去

又雪春

水雲共色漸斷岸飛花雨聲初峭步帷素嬾想玉人誤惜章臺春
老岫斂愁蛾半洗鉛華未曉艤輕棹似山陰夜晴乘興初到心
事春縹緲記偏地梨花弄月斜照舊時鬪草恨淩波路踰小庭深
窈凍澀瓊簫漸入東風郢調煥回早醉西園亂紅休掃

又贈雲隱

草生夢碧正燕子簾幃影遲春午倦茶薦乳看風籤亂葉老沙昏
雨古簡蟬篇種得雲根療蠹最清楚帶明月自鋤花外幽圃醒
眼看醉舞到應事無心與閒同趣小山有語恨逋仙占卻暗香吟
賦煥通書牀帶草春搖翠露未歸去正長安輕紅如霧

又送春古江村

水園沁碧驟夜雨飄紅竟空林島艷春過了有塵香墜鈿尙遺芳
草步繞新陰漸覺交枝徑小醉深窈愛綠葉翠圓勝看花好芳
架雪未掃怪翠被佳人困迷清曉柳絲繫棹問閭門自古送春多
少倦蝶慵飛故撲簪花破帽酹殘照掩重城暮鐘不到

又賦瑤圃萬象皆春堂

煥波印日倒秀影秦山曉鬢梳洗步帷艷綺正梁園未雪海棠猶
睡藉綠盛紅怕委天香到地畫船繫舞西湖暗黃虹臥新霽天
夢春枕被和鳳筑東風宴歌曲水海宮對起燦曬光乍溼杏梁雲
氣夜色瑤臺禁蠟初傳翡翠喚春醉問人閒幾番桃李

應天長夷則商吳門元夕

麗花鬪醫清麝濺塵春聲徧滿芳陌竟路障空雲幕冰壺浸霞色
芙蓉鏡詞賦客競繡筆醉嫌天窄素娥下小駐輕鑣眼亂紅碧
前事頓非昔故苑年光渾與世相隔向暮巷空人絕殘鐙耿塵壁
淩波恨簾戶寂聽怨寫墮梅哀笛竚立久雨暗河橋譙漏疏滴

風流子黃鍾商芍藥

金谷已空塵薰風轉國色返春魂半敲雪醉霜舞低鸞翅絳籠蜜
炬綠映龍盆窈窕繡窗人睡起臨砌脈無言慵整墮鬟怨時遲暮
可憐憔悴啼雨黃昏輕橈移花市秋娘渡飛浪濺溼行裙二十
四橋南北羅薦香分念碎劈芳心縈思千縷贈將幽素偷翦重雲

終待鳳池歸去催詠紅顏

又題前

溫柔酣紫曲揚州路夢繞翠盤龍似日長傍枕墮妝偏髻露濃如
酒微醉敲紅自別楚嬌天正遠傾國見吳宮銀燭夜闌暗聞香澤
翠陰秋寂重返春風芳期嗟輕誤花君去腸斷妾若爲容惆悵
舞衣疊損露綺千重料繡窗曲理紅牙拍碎禁階敲偏白玉空
猶記弄花相謔十二闌東

過秦樓

黃鍾商
芙蓉

藻國淒迷麴澗澄映怨入粉煙藍霧香籠麝水膩漲紅波一鏡萬
妝爭妒湘女歸魂佩環玉冷無聲凝情誰憖又江空月墮淒波塵
起彩鴛愁舞還暗憶鈿合蘭橈絲牽瓊腕見的更憐心苦玲瓏
翠屋輕薄冰綃穩稱錦雲留住生怕哀蟬暗驚秋被紅衰啼珠零
露能原注西風老盡羞趁東風嫁與

法曲獻仙音

黃鍾商
秋晚紅白蓮

風拍波驚露零秋覺斷綠衰紅江上艷拂潮妝澹凝冰鬢別翻翠

池花浪過數點斜陽雨啼綃粉痕冷宛相向指汀洲素雲飛過

清麝洗玉井曉霞佩響寸藕折長絲笑何郎心似春蕩半掬微涼

聽嬌蟬聲度蕩唱伴鴛鴦秋夢酒醒月斜輕帳

又放琴客和
宏庵韻

落葉霞翻敗窗風咽暮色淒涼深院瘦不關秋淚緣輕別情消鬢
霜千點悵翠冷搔頭燕那能語恩怨紫簾遠記桃根向隨春渡
愁未洗鉛水又將恨染粉縞離箱忍重拈鏡夜裁翦望極藍橋
彩雲飛羅扇歌斷料鶯籠玉鎖夢裏隔花時見

還京樂

黃鍾商
友人汎湖命樂工以筆笙琵琶方響迭奏

宴蘭激促奏絲絃管裂飛繁響似漢宮人去夜深獨語胡沙淒哽
對雁斜攷柱瓊瓊弄月臨秋影鳳吹遠河漢去杳天風飄冷汎
清商竟轉銅壺敲漏瑤牀二八青娥環佩再整蕩歌四碧無聲變
須臾翠翳紅暝歎梨園今調絕音希愁深未醒桂楫輕如翼歸霞
時點清鏡

塞翁吟

黃鍾商
贈宏庵

草色新宮綬還跨紫陌驕驄好花是晚開紅冷菊最香濃黃簾綠幕蕭蕭夢鐙外換幾秋風敍往約桂花宮爲別翦珍叢雕櫳行人去秦腰褪玉心事稱吳妝暈濃向春夜閨情賦就想初寄上國書時唱入眉峯歸來共酒窈窕紋窗蓮卸新蓬

又 錢梅津除
郎赴闕

有約西湖去移棹曉折芙蓉算纔是稱心紅染不盡薰風千桃過眼春如夢還認錦疊雲重弄晚色舊香中旋擲入深叢從容情猶賦冰車健筆人未老南屏翠峯轉河影浮槎信早素妃叫海月歸來太液池東紅衣卸了結子成蓮天勁秋濃

丁香結 夷則商
秋日海棠

香燭紅霏影高銀燭曾縱夜遊濃醉正錦溫瓊膩被燕錫煖雪驚翻庭砌馬嘶人散後秋風換故園夢裏吳霜融曉陡覺暗動偷春花意還似海霧冷仙山喚覺環兒半睡淺薄朱唇嬌羞艷色自傷時背簾外寒挂澹月向日鞦韆地懷春情不斷猶帶相思舊子

六幺令 夷則宮
七夕

露蛩初響機杼還催織婺星爲情慵嬾竚立明河側不見津頭艇子望絕南飛翼雲梁千尺塵緣一點回首西風又陳迹那知天上計拙乞巧樓南北瓜果幾度淒涼寂寞羅池客人事回廊縹緲誰見金釵擘今夕何夕杯殘月墮但耿銀河漫天碧

蕙蘭芳引 林鍾商俗名歇指調
賦藏一家吳郡王畫蘭

空翠染雲楚山迴故人南北秀骨冷盈盈清洗九秋澗綠奉車舊晚料未許千金輕價淺笑還不語蔓草羅裙一幅素女情多阿真嬌重喚起空谷弄野色煙姿宜掃怨蛾澹墨光風入戶媚香傾國湘佩寒幽夢小窗春足

隔浦蓮近 黃鍾商
泊長橋過重午

榴花依舊照眼愁褪紅絲腕夢繞煙江路汀菰綠薰風晚年少驚送遠吳蠶老恨緒縈抽繭旅情嬾扁舟繫處青帘濁酒須換一番重午旋買香蒲浮棹新月湖光蕩素練人散紅衣香在南岸

垂絲釣近 夷則商
雲麓先生以畫舫載落花宴客

聽風聽雨春殘花落門掩乍倚玉闌旋翦天豔攜醉靨放過溪遊

纔波光撼映燭花黯澹 碎霞澄水吳宮初試菱鑑舊情頓減孤
負深杯灑衣露天香染通夜飲問漏移幾點

荔枝香近 黃鍾商
送人遊南徐

錦帶吳鉤征思橫雁水夜吟敲落霜紅船傍楓橋繫相思不管年
華喚酒吳娃市因話駐馬新隄步秋綺 淮楚尾暮雲送人千里
細雨南樓香密錦溫曾醉花谷依然秀鬢偷春小桃李爲語夢窗
憔悴

又七
夕

睡輕時間晚鵲噪庭樹又說今夕天津西畔重歡遇蛛絲暗鎖紅
樓燕子穿簾處天上未比人閒更情苦 秋鬢改妒月姊長眉嫵
過雨西風數葉井梧愁舞夢入藍橋幾點疏星映朱戶淚溼沙邊
凝竚

西河 中呂商
陪鶴林登袁園

春乍霽清漣畫舫融洩螺雲萬疊暗凝愁黛蛾照水漫將西子比
西湖溪邊人更多麗 步危徑攀艷蕊掬霞到手紅碎青蛇細折

小迴廊去天半咫畫闌日暮起東風棋聲吹下人世 海棠藉雨
半繡地正殘寒初御羅綺除酒銷春何計向沙頭更續殘陽一醉
雙玉杯和流花洗

浪淘沙慢 夷則商
賦李尚書山園

夢仙到吹笙路杳度巘雲滑溪谷冰綃未裂金鋪畫鎖乍掣見竹
靜梅深春海闊有新燕簾底低說念漢履無聲跨鯨遠年年謝橋
月 曲折畫闌盡日憑熱半蜃起玲瓏樓閣畔縹緲鴻去絕飛絮
颺東風天外歌闌睡紅醉纈還是催寒食看花時節 花下蒼苔
盛羅襪銀燭短漏壺易竭料池柳不攀春送別倩玉兔別擣秋香
更醉踢千山冷翠飛晴雪

西平樂慢 中呂商
過西湖先賢堂傷今感昔泫然出涕

岸壓郵亭路鼓華表隄樹舊色依依紅索新晴翠陰寒食天涯倦
客重歸歎廢綠平煙帶苑幽渚塵香蕩晚當時燕子無言對立斜
暉追念吟風賞月十載事夢惹綠楊絲 畫船爲市天妝豔水日
落雲沈人換春移誰更與苔根洗石菊井招魂漫省連車載酒立

馬臨花猶認鶯紅傍路枝歌斷宴闌榮華露草冷落山丘到此徘徊細雨西城羊曇醉後花飛

瑞龍吟

黃鍾商俗名大石調犯正平調
蓬萊閣

墮虹際層觀翠冷玲瓏五雲飛起玉蚪縈結城根澹煙半野斜陽半市 瞰危睇門巷去來車馬夢遊宮蟻秦鬟古色凝愁鏡中暗換明眸皓齒 東海青桑生處勁風吹淺瀛洲清泚山影汎出瓊壺碧樹人世槍芽焙綠曾試雲根味巖流澌涎香慣攪嬌龍春睡露草啼清淚酒香斷到文丘廢隧今古秋聲裏情漫黯寒鴉孤村流水半空畫角落梅花地

又送梅津

黯分袖腸斷去水流萍住船繫柳吳宮嬌月燒花醉題恨倚蠻江豆蔻 吐春繡筆底麗情多少眼波眉岫新園鎖卻愁陰露黃漫委寒香半畝 還背垂虹秋去四橋煙雨一宵歌酒猶憶翠微攜壺烏帽風驟西湖到日重見梅鈿皺誰家聽琵琶未了朝聽嘶漏印剖黃金籀待來共凭齊雲話舊莫唱朱櫻口生怕遣樓前行雲

知後淚鴻怨角空教人瘦

又德清明競渡

大溪面遙望繡羽衝煙錦梭飛練桃花三十六陂蛟宮睡起嬌雷乍轉 去如箭催趁戲旗遊鼓素瀾雪濺東風冷溼蛟腥澹陰送畫輕霏弄晚 洲上青蘋生處鬪春不管懷沙人遠殘日半開一川花影零亂山屏醉纈連棹東西岸闌干倒千紅妝靨鉛香不斷 傍暝疏簾捲翠連皺淨笙歌未散簪柳門歸嬾猶自有玉龍黃昏吹怨重雲暗閣春霖一片

大酺無射商
荷塘小隱

峭石帆收歸期差林沼年銷紅碧漁蓑樵笠畔買佳鄰翻蓋浣花新宅地鑿桃陰天澄藻鏡聊與漁郎分席滄波耕不碎似藍田初種翠煙生壁料情屬新蓮夢驚春草斷橋相識 平生江海客秀懷抱雲錦當秋織任歲晚陶籬菊暗逋塚梅荒總輸玉井嘗甘液忍棄紅香集楚裳西風催著正明月秋無極歸隱何處門外垂楊天窄放船五湖夜色